



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
ADMINISTRATIVNA KOMISIJA
Broj: 01/7-011-510/03
Sarajevo, 10.4.2003. godine

ZAPISNIK

sa šeste sjednice Administrativne komisije Predstavničkog doma koja je bila zakazana za 9.4.2003.godine, a održana 10.4.2003.godine u zgradi institucija BiH, sala 3/II, sa početkom u 13 sati.

Sjednicom predsjedava predsjedavajući Komisije Munib Jusufović.

Sjednici su prisustvovali ostali članovi Komisije: Vinko Zorić, Nikola Kragulj, Hazim Felić, Jozo Križanović, Mirko Blagojević, Ivo-Miro Jović i Momčilo Novaković.

Opravnado odsutan: Šefik Džaferović.

Sjednici Komisije su prisustvovali i sekretar Predstavničkog doma, Branka Todorović, sekretar Zajedničke službe, Vedran Hadžović i Mirjana Crnjak, šef Opšte službe.

Za sjednicu je predložen i jednoglasno usvojen sljedeći

Dnevni red:

1. Usvajanje zapisnika sa 5. sjednice Administrativne komisije;
2. Razmatranje preostalih žalbi u kontekstu provođenja Odluke o pravima poslanika i delegata na stalnom radu u Parlamentarnoj skupštini BiH nakon 05.10.2002.godine;
3. Razmatranje zahtjeva poslanika za profesionaliziranje radno-pravnog statusa U Parlamentarnoj skupštini BiH i zahtjeva za ostvarivanje naknada iz prava na odvojeni život od porodice;
4. Tekuća pitanja

Ad 1.

Zapisnik sa pete sjednice Administrativne komisije usvojen je jednoglasno bez primjedbi.

Ad 2.

U okviru ove tačke vođena je rasprava o pravima bivših poslanika i to za: Bahriju Osmanović, Mirka Banjca i Branislava Lolića, da li imenovani mogu ostvariti prava iz Odluke o pravima poslanika i delegata na stalnom radu u Parlamentarnoj skupštini BiH nakon 05.10.2002.godine.

Vedran Hadžović, sekretar Zajedničke službe, je istakao da za imenovane bivše poslanike nema osnova za donošenje pozitivnog rješenja, odnosno da prema Odluci o pravima poslanika i delegata na stalnom radu u Parlamentarnoj skupštini BiH nakon 05.10.2002.godine, ne mogu ostati neraspoređeni.

U raspravi po ovoj tački učestvovali su: Munib Jusufović, Jozo Križanović, Nikola Kragulj, Momčilo Novaković, Vinko Zorić, Ivo-Miro Jović, i Hazim Felić.

Hazim Felić je predložio da se dosljedno primjeni Odluka o pravima poslanika i delegata na stalnom radu u Parlamentarnoj skupštini Bosne i Hercegovine nakon 05.10.2002.godine.

Nakon rasprave 5 članova Komisije je glasalo ZA, da se udovolji zahtjevima bivših poslanika da ostanu neraspoređeni na period od 12 mjeseci u skladu sa Odlukom o pravima poslanika i delegata na stalnom radu u PS BiH nakon 05.10.2002.godine, jedan je protiv, a dva člana su bila suzdržana. Većinom glasova ZA pozitivno su riješeni zahtjevi bivših poslanika, odnosno Bahrija Osmanović, Mirko Banjac i Branislav Lolić ostaju neraspoređeni u Parlamentarnoj skupštini BiH, na period od 12 mjeseci, u skladu sa Odlukom o pravima poslanika i delegata na stalnom radu u Parlamentarnoj skupštini BiH nakon 05.10.2002.godine.

Ad 3.

Članovi Administrativne komisije jednoglasno su odlučili da se poslanik Ivo-Miro Jović primi u stalni radni profesionalni odnos, počev od 1.3.2003.godine. Zahtjev za odvojeni život i smještaj imenovani je povukao.

Jednoglasno Administrativna komisija je odlučila da poslanik Hazim Felić ima pravo na odvojeni život u iznosu od 400,00 KM, i pravo na zakup stana u iznosu do 500,00 KM, počev od 1.4.2003.godine.

Visina naknade za zakup stana regulisaće se ugovorom o zakupu.

Jednoglasno Komisija je odlučila da se poslanik Jelina Đurković primi u stalni radni profesionalni odnos od 1.4.2003.godine i odobrila imenovanoj pravo na odvojeni život u iznosu od 400,00 KM i smještaj u iznosu do 500,00 KM, takođe od 1.4. 2003.godine. Visina zakupa stana regulisaće se ugovorom o zakupu, koji će zaključiti sekretar Zajedničke službe sa stanodavcem.

Ad 4

U okviru ove tačke sekretar Zajedničke službe, Vedran Hažović upoznao je članove Komisije sa žalbom Lejle Tafro- Sefić. Vedran Hadžović je rekao da se imenovana žalila na postavljenje kandidata Željka Ivankovića, na radno mjesto šefa Informativno-dokumentacione službe iz razloga što je bila prvorangirana na tom radnom mjestu sa postignutih 158 bodova, dok je postavljeni kandidat Željko Ivanković bio na trećem mjestu po broju bodova sa ukupno 144,2 boda.

U tački 8 objavljenog Javnog konkursa za popunu radnih mjesta državnih službenika u Sekretarijatu Parlamentarne skupštine BiH, navedeno je da će se prilikom imenovanja voditi računa da ukupna nacionalna zastupljenost zaposlenih bude u skladu s nacionalnom strukturom stanovništva Bosne i Hercegovine, prema posljednjem popisu stanovništva, s tim da će u strukturi zaposlenih dvije trećine biti iz Federacije Bosne i Hercegovine, a jedna trećina iz Republike Srpske.

U skladu sa ukupnim brojem zaposlenih u Sekretarijatu PS BiH po nacionalnoj strukturi, kandidat Željko Ivanković je postavljen na radno mjesto šefa Informativno-dokumentacione službe, bez obzira što je bio treće rangirani kandidat, istakao je Vedran Hadžović.

Vedran Hadžović je upoznao članove Komisije da je žalbu Lejle Tafro-Sefić, odbila i Komisija za finansijske i administrativne poslove Doma naroda.

Komisija je nakon izlaganja sekretara Zajedničke službe, jednoglasno odbila žalbu Lejle Tafro- Sefić kao neosnovanu.

Sjednica Komisije je završena u 15 sati.

Zapisnik sačinila
Mirjana Crnjak

Predsjedavajući Komisije
Munib Jusufović